


Fasnacht 2021

R
u
e
c
h
e
l
n
f
o





Inhaltsverzeichnis

Vorwort	3
Aktive Mitglieder	4
Umzüge / Kontaktadresse	7
Schnitzelbagg	9
Gönnerbeitrag	12
Klatsch und Tratsch	13
Berichte	15

Professionelle Hauswartung - Gartenpflege
Spezial- und Unterhaltsreinigung
Entsorgung

Concepta.

Thomas Hafner | Baselmattweg 46 | 4123 Allschwil
Telefon +41 61 481 45 10 | info@concepta-pro.ch



Vorwort

Liebe Freunde und Gönner der Dorfplatzrueche

wie ihr sicher wisst findet dieses Jahr, wie bereits im 2020 keine Fasnacht statt. Dieses Jahr wussten wir es aber zum Glück frühzeitig und nicht wie im 2020 zwei Tage vorher. Da wir Dorfplatzrueche ja sehr viel für Tradition übrig haben, war es nie eine Frage ob wir auch ohne Fasnacht unseren Rueche-Info herstellen oder nicht. Ich darf sogar mit Stolz sagen, dieser Jahrgang ist ein Gemeinschaftswerk der ganzen Clique. Wir sagten uns, wenn wir schon keinen gemeinsamen Wagen bauen dürfen, so machen wir wenigstens etwas zusammen. Mir persönlich war es wichtig, keine Corona Ausgabe zu erstellen. Sicher wird der Virus ab und zu vorkommen. Er soll aber nicht Hauptbestandteil sein, denn wir möchten euch zum Schmunzeln, Lächeln und zur guten Laune in eurer Wohnstube verhelfen. Ich darf euch auch mitteilen, dass wir immer noch der gleiche Chaotenhaufen sind, wie die letzten Jahre schon.

Nun bleibt mir nur noch euch allen eine tolle Zeit und besonders gute Gesundheit zu wünschen. Und wir sehen uns an der nächsten Fasnacht am 6. März 2022.....

Im Namen der Dorfplatzrueche
der Obmann Thomi

René Salathé
Getränkedepot
4132 Muttenz / 4127 Birsfelden
Tel. 061 313 27 21
061 311 63 10



Aktive Mitglieder





bim Heftli kreiere



Fasnacht 2020



Umzüge und Kontaktadresse

Umzüge, an denen die Dorfplatzrueche teilnehmen:

Sonntag, 21. Februar 2021	14.00 Uhr, Umzug Pratteln
Montag, 22. Februar 2021	11.00 Uhr, Umzug Frenkendorf
Dienstag, 23. Februar 2021	17.00 Uhr, Kinderumzug Pratteln
Samstag, 27. Februar 2021	15.00 Uhr, Schlussstraich in Muttenz




Kontaktadresse

Thomas Meier
Muttenzerstrasse 23a
4133 Pratteln
metorage@gmail.com

Meldet doch beim nächsten Umzug Eure neue Adresse, damit unser "Heftli" Euch wieder findet.

Änderungen an die Kontaktperson melden



Der Raum für jeden Anlass in Giebenach

Für „Stübli Reservationen
Herr Christian Venturini
Telefon 061 811 48 58

Für Brennholz
Herr Thomas Häring
Telefon 079 415 34 26



Schnitzelbangg

Sujet: Nix, nada, nüt

Sunntigmorge ich wird wach
d`Nervosität isch no ganz schwach
mach mi langsam parat denn bini en schigge
ha am 11:11 dr Brunch mit dr Clique
mit vollem Mage tüemer dr Brunch verloh
fahre ins Dorf zum uf dr Route istoh
denn wird no ufem Wage Ornig gmacht
drby gredet und au glacht
i mim Mage sind Turbulänze
den d`Nervosität tuet nit fulenze
den Punkt 2 isch drmit Schluss
es fällt dr erlösendi Böllerschuss
denn zwei Stund Vollgas geh
Bekannti und Unbekannti uf d`Schippe neh
d`Spruch tüent am laufende Band fliesse
eifach numme d`Narrefreiheit gniesse
nachem Umzug tüemer wieder am Afang stoh
und es chunnt dr bekannti Apéro
Am Obe tuet uns dr Hunger stüüre
zum Nachtässe in d' Bielser Schüüre
zum Dessert gits den Scheiaweija
bis alli müed in d`Bettli gheia
denn so uf die 8 am Mäntigmorge
atrabé wieder bim Bielser zum z'Morge
denn wird dr Wage gholt und glade
will in Fränkedorf isch d`Fasnachtsparade
au dr Umzug isch z'schnell verby
und mir nähme im Dorf no Eine y
bevor mir als Clique jo so simmer
zämme z'Nachtässe, wo au immer
Denn am Zischtig isch dr Nachwuchs dra
wo au mir euse Spass wärde ha
usser unseri Männer, wo ufpassé die arme Tröpf
laufe näbem Wage mit hängende Chöpf
am Obe denn dr gmüetlich Teil
mir ässe im Rad weisch wie geil
dä tüemer bi Rahmschnitzel und Spätzli verbringe
und loose zue wie d`Schnitzelbängg singe

Plakette 2021



fortsetzung Schnitzelbangg

denn isch scho Fritig, zämme z'Nachtässe,
an Cherus, dä isch nüm am Samschtig, chasch vergässe
denn nomol voll e Partynacht
hämmer jo sit am Sunntig nümme gmacht
Heim go, bitz schlofe, parat mache
hanni alli mini 7 Sache?
wieder Wage lade das isch kei Saich
mir gönd uf Muttenz an Schlusstraich
dr letscht Umzug das Joor wie schwer
mache dr Wage komplett leer
am Obe folge mir inere neue Spur
und mache z'Muttenz e Beizli Tour
bis irgendwann, schwer zum Definiere
dr Letscht vo uns tuet heim marschiere
Sunntigmorge ich wird wach
d'Nervosität isch no ganz schwach
alles isch nur es Träumli gsi
nei d'Fasnacht isch nonig verby
viel schlimmer dr Bundesrot die Niete
tuet uns das Joor d'Fasnacht wieder verbiete
drum warte mir und wänd fescht hoffe
die in Bern sind imene Joor nümme bsoffe
denn gäbe mir, das isch kei Scherz
Vollgas an dr Fasnacht 2022 am 6. März
mir hoffe ihr wärdet uns alli bsueche
blibet gesund....euri truurige Dorfplatzrueche



- Augst
- Basel
- Muttenz

www.gauglerbrot.ch

061 811 10 08

d o r f p l a t z r u e c h e - p r a t t e l e . c h

Gönnerbeitrag

Dorfplatz-Rueche, 4133 Pratteln, 40-217101-0

Sit 33 Joor es isch dr Hit
mache mir an der Fasnacht mit.
Usser dr Bundesrot die Niete,
tuet uns d'Fasnacht verbiete.
So... au das Joor, es macht uns ranzig
kei Fasnacht im 2021.
D'Usgobe tüent sich drum in Gränze halte,
ihr dörfet s'Gäld bi Euch bhalte.

Wenn Dir uns trotzdem wänd unterstütze mit es paar Franke
tüent mir uns ganz hätzlich drfür bi euch bedanke.

Bliebet gsund und chömme uns am Wiehnachtsmärt 2021 go bsueche
in dem Sinn alles Gueti Euri Dorfplatzrueche.



thommen
maler ag

Gefühl für Farben.

Stefan Häring

Geschäftsführer
Mobile: +41 79 671 37 70
haering@thommenmaler.ch

thommen maler ag | Ramllinsburgerstrasse 1 | 4415 Lausen
Telefon +41 61 901 20 40 | Fax +41 61 901 20 45
info@thommenmaler.ch | www.thommenmaler.ch

Bitte berücksichtigen Sie unsere Inserenten, denn Sie brücksichtigen auch uns.

Klatsch & Tratsch

Bim Klatsch und Tratsch isch öpis neu,
mir blibe im Hochdütsch nümme treu
drfür chunnt alles in Versliform,
das förderet uns geistig ganz enorm.
Wieso mir reime, isch e churzi Gschicht,
mir Rueche si jo alli nit ganz dicht.

Wenn euse Obmaa dr Thomi am Wagebau-Morge tuet Kaffi mache,
do het dr Räscht vo dem Huufe öpis z'lache.
Eigentlich isch das gar kei Sach,
wenn er wär scho richtig wach.
Käpseli in d'Maschine und denn nur noch s'Chnöpfli drugge,
Ups do chunnt jo gar nüt use zum Schlugge.
Ohni Strom do lauft die Maschine nit,
oh vergässe istance, sone Shit....

Zviel Kaffi trinke das druggt uf Bloose,
schnäll rennt dr Thomi in Wald, bevor er macht in d'Hose.
Zrugg vom Seiche sött er telefoniere,
er suecht und fluecht: "I ha s'Handy verlore, wie cha das passiere?"
Die ganzi Clique nimmt s'Handy füre,
und probiert am Thomi z'telefoniere.
Ring...ring...ring....ring... tönts usem Wald in allne Ohre,
aha....dr Thomi het's Handy im Wald verlore.

Dr Adi isch euse Fahrer und e ganze ruehige,
an de Höck tuet er meischtens nur loose und luege.
Er isch zueständig für d'Wiehnachtscharte gschtalte und verschigge,
aber dr Tizi ihri tuet er an die alti Adresse schigge.
Au wenn mir jedes Joor bi dr Tizi am Fasnachtssunntig z'Morge ässe,
het er doch ihri neu (2 Joor alti) Adrässe vergässe.

Au s'Tizi het mängisch Schwierigkeite bim Kaffi mache,
au do händ mir wieder emol öpis z'lache.
Us gross mach chli, us chli mach gross,
und scho goht's Chaos mit dene Chapsle los.
Do tuet au dr guet Wille nüt nütze,
wenn denn dr Kaffi in alli Richtige tuet sprütze.

Die letschti Fasnacht goht i in d'Gschicht
meh drzue stoht imene Bricht
bi blauem Himmel und Sunneschy
isch au s'Regio TV drby
s'Peti und s'Tizi tüent sich die Chance nit lo neh
und vor dr Kamera es Interview geh

Statt dr Arsch in dr Chälti abfriere,
tüent mir dr Wagebau 2.0 im Homeoffice probiere.
An Wagebau hämmer nit müesse go,
drum händ mir uns zämme mehr Zyt für's Büechli gno.
Natürlich luege mir enorm,
isch au alles coronakonform.
Nei Herr Berset täubele nützt nüt,
denn mir sind jo numme fünf Lüt.

Au mir Dorfplatzrueche händ Blagette bezoge
jede Fasnächtler het eini, das isch nit gloge
au verchauft hämer es paar Stück
dr Priis vo 19 Fränkli isch es Glück
will die meischte vo unsere Chunde
tüent uf 20 Franke ufrunde



- > Saftiges Obst
- > Bienenhonig
- > Eier aus Bodenhaltung
- > Frisches Gemüse
- > Hausgemachtes
- > Und vieles mehr

Öffnungszeiten vom Lädeli im Dorf
Mo - Fr: 9-11h & 17-19h / Sa: 9-12h

- > Apéro und Bauernbrunch für den passenden Anlass
- > ab 12.Dez. Weihnachtbaumverkauf in der Hülften

Berichte

Stell Dir vor, alles ist für die Fasnacht bereit und dann findet sie nicht statt.....

Am Freitag 28. Februar 2020 gegen Mittag, erreichte uns die Hiobsbotschaft des Bundesrates, wie ein Schlag ins Gesicht... Fasnacht abgesagt!
Die Meldung ging viral durch die sozialen Medien.....

Kurz darauf haben wir "Dorfplatzrueche" uns im Kaffi Schmittiplatz zur Krisensitzung getroffen. Nach dem jeder seiner Empörung Luft gemacht hatte und uns der Obmann des FAKOs mitgeteilt hatte, dass zwar der Umzug abgesagt wurde, jedoch die Beizenfasnacht stattfinden werde, haben wir uns entschieden dem Coronavirus zu trotzen und mit dem Kostüm 2019 daran teilzunehmen.

Nun bestand unser Problem darin, was wir mit den 420 kg Orangen und den 800 Rosen machen sollen.

Dem Corona zum Trotze, haben wir uns dann am 01. März 2020 um 11:11 bei Tizi zum traditionellen Brunch getroffen. Nach dem feinen Brunch, machten wir uns mit 2 Wägeli, 40 kg Orange, rund 400 Rosen und Wegzehrung auf den Weg Richtung Schmittiplatz. Dort angekommen waren wir über die grosse Anzahl an Fasnächtler überrascht, welche die gleiche Idee hatten wie wir. Es war auch ohne Fasnachtsumzug ein buntes Treiben von Fasnächtlern.

Fazit: Die Fasnacht 2020 war trotz Corona, aber dank schönem Wetter, einem tollen FAKO, einem gut organisierten Sicherheitschef und einem überzeugenden Gemeinipräsi eine geschichtsträchtige Gaudi, die die Fasnächtler zusammengeschweisst hat und uns wieder in Erinnerung gerufen hat was wirklich wichtig ist.

RESTAURANT GEHRENACKER



**Fam. W. Wyss, Oberfeldstrasse 21
4133 PRATTELN Tel. 061/821 52 52**

**Treffpunkt für Jung und Alt
Große Glace Auswahl
schöner Garten & grosser Parkplatz**

**Auf ihren Besuch freut sich Fam.W.&J. Wyss
Tel. 061/ 821 52 52**

**Dienstag Samstag 08.30 - 23.30
Sonntag 9.30-16.00 Uhr, Montag geschlossen**



CleverCars

Der einfachste Weg
zu Ihrem Traumwagen
führt über den Direktimport!



service@clevercars.ch
www.clevercars.ch

Like us on Facebook and stay informed!